

## Al barbee

Caratteristica mansion de sucietà,  
la butega, la pudiva vèss un ritrovo de soch,  
pelà, e non, cavej lunch, anca cunt poch pelas  
sol prumuntori del vertiss cucuzzaro.

A l' era moda per i bagaj,  
de metiga in coo la scudela dèla pastina,  
e po faga un gir atornu, per la voluntà  
genitural, al sembrava un spelacion.  
Ai pret, al faseva la tonsura, sia picinina  
opur grosa....certi volt, alèra invidà anca  
fal mistèe del dutur, roba de poch cunt, intendemèss....

“ Barbee, moves go premura...”

“ Se ta ghet de taja, cunt quatar peloch che tà ghet...  
calmas e stà le bon “

E taja, insauna per fa la barba, metiga  
in faccia un strasc per amurbide al facion,  
po' al partiva cunt t' al penèl,  
al sembrava un pitur che' l saveva menga cusa fa,  
sbarba de che, sbarna de là, certi volt sto penelòt,  
al restava in buca al client, rop che sucediva  
quant al restava senza savè s'al faseva,  
alura eran verament di mument teribil.

Por barbee, certi volt l' era verament incumpatibil,  
colpa mia, colpa sua, ma ala fen tot riturnava nurnal.

I noff impresari dela barba e di cavej, si metù  
aj nuvità del temp cà ghè, alter rop, alter maner,  
sembra de andà a fa una giràda in ess aj prà.

Forsi un quej von l' è nustalgich di tem andà,  
ma verament pensi che va mej al de d' in coo.

10-10-201